

目錄九條

經餘必讀
卷之一
下

六經之在天地如日星江河如布帛
并粟文必宗經由來舊矣然六經即
有緯六經之外必泛濫乎羣書庶幾
經緯畢通元、率、彈見洽聞比握
管為制藝傾筐倒屣而出之精曠集
燭豈不懿哉舊曰經修必讀之刻冥

搜宏採公此為世一時循誦習傳幾
乎不脛而走特猶有未盡在茲又檢
閱故麓採輯以種踵而增焉將使採
觚之士沿波討源同條共貫非敢自
矜博雅亦聊供作者之節取云爾時

嘉慶元年秋七月敷文堂主人記

經餘必讀三集目錄

卷一

七經緯纂

卷二

論語古注訂譌

論語識

卷三

尚書逸篇

孔子三朝記

逸論語

卷四

逸禮經

歸藏

孟子外書

經餘必讀三集卷一

七經緯纂

黃帝曰大古百皇闢基文籀據理微萌始有熊氏太
初而後有太始太始而後有太素有形始于弗形有
法始于弗法章流立文以詒息孫而後傳授天老氏
而後傳授于混沌氏而後授天英氏而後傳無懷氏
而後傳中孫炎帝神農氏中聖古法淳物元造不足
益之器用農穀衣服而後傳烈山氏
天有太極地有太壙

制靈經曰天有九道坤有四道易有二道

老氏曰坤氣不和物生不遂

爭而後訟和而後解不通而否大通而泰

無懷氏曰上聖頤天以盡象頤物以盡源頤事以盡

情而後天平地成萬穴効靈

孔子筮其命得旅請益于商瞿氏曰子有聖智而無

位孔子泣而曰天也命也鳳鳥不來河無圖至嗚呼

天命之也嘆訖而後息志停讀五十究易作十翼

孔子曰易者易也變易也不易也管三成為道德苞

簡易者以言其德也。通情無門。藏神無內。不煩不撓。淡泊不失。變易也者。其氣也。天地不變。不能通氣。五行迭終四時更廢。不易也者。其位也。天在上。地在下。君南面。臣北面。父坐子伏。此其不易也。故易法天地之道也。乾坤之德。萬物之寶。

孔子曰。益之六二。或益之十。朋之龜弗克違。永貞吉。王用享于帝。吉。益者正月之卦也。天氣下施。萬物皆益。言王者之法。天地施政教。而天下被陽德。蒙教化。如美寶。莫能違害。永貞其道。咸受吉化。德施四海。能

繼天道也。王用享于帝者，言察天也。三王之郊，一用夏正天氣，三微而成一著，三著而成一体，方知此之時，天地交，萬物通，故泰益之卦皆夏之正也。此四時之正，不易之道也。故三王之郊，一用夏正，所以順四時，法天地之道也。

孔子曰：易有君人五號也。帝者天稱也，王者美行也。天子者爵號也，大君者與上行異也，大人者聖明德備也，變文以著，各題德以別操。王者天下所歸，往易曰：在師中，吉，无咎。王三錫命，師者衆也，言有盛德行。

中和順民心。天下歸往之。莫不美命為下也。行師以除民害。賜命以長世德之盛。天子者繼天理物。改統各得其宜。父天母地。以養萬民。至尊之號也。易曰公用享于天子。大君者君人之盛者也。易曰知臨大君之宜吉。臨者大也。陽氣在內。中和之盛。應子盛位。浸大之化。行于萬民。故言宜處王位。施大化為大君矣。臣民欲被化之詞也。大人者聖人之在位者也。夫大人者與天地合其德。易曰見龍在田。利見大人。又曰飛龍在天。利見大人。言德化施行。天地之和。故曰

大人

孔子曰：既濟九三，高宗伐鬼方，三年克之。高宗者，武丁也。湯之後，有德之君也。九月之時，陽失正位，盛德既衰，而九三得正，下陰能終其道，濟成萬物，猶殷道中衰，王道陵遲，至于高宗，內理其國，以得民心，扶救衰微，伐征遠方，三年而惡消滅，成王道，殷人高而宗之，文王挺以校易觀德也。

孔子曰：自成湯至帝乙，帝乙，湯之元孫之孫也。此帝乙，即湯也。殷錄質以生日為名，順天性也。元孫之孫

外絕恩矣。同以乙日生。疏可同名。湯以乙生。嫁妹。本
天地正夫婦。夫婦正王道興矣。故曰易之帝乙為成
湯書之帝乙。六世王同名。不害以明功。

孔子曰。君子亦於靜若龍而無角。

孔子曰。太皇之先與耀合元精。五常期以序。七禘天
地成位。君臣道生。君五期輔三右。以建德通萬靈。遂
皇始出。握機知表計。宜其刻曰蒼牙通靈昌之成。孔
演命明道經。

晝視無日。虹蜺煌煌。夜視無月。曄蒨將將。

上無乾下無坤。天地昧昧。履踐冰。以上易緯。

孔子求書得黃帝元孫帝魁之書。迄於秦穆公。凡三千二百四十篇。斷遠取近。定可以為世法者。百二十篇。以百二篇為尚書。十八篇為中侯。

湯受金符。帝籙。白狼銜鉤。入殷朝。

注金符。禹錄。鈎縛束之要。明湯得天下之要也。

武王得兵鈐。謀東觀。白魚入舟。王俯取魚。以燎。八百諸侯。順同不謀。魚者視用無足翼。從欲紂如魚。乃誅地有四遊。冬至地上。北而鬲三萬里矣。夏至地下。南

而東復三萬里。春秋分則其中矣。地慢動不止。人不知。譬如人在大舟中。閉牖而坐。舟行而人不覺也。七戎八蠻九夷八狄。總而言之。謂之四海。海之言昏晦。無所睹也。

春則星辰西遊。夏則星辰北遊。秋則星辰東遊。冬則星辰南遊。

鄭注：天旁行四表之中。冬南夏北。春西秋冬皆薄。四表而止。地亦升降於天之中。冬至而下。夏至而上。二至上下。蓋極地厚也。地與星辰俱有四遊。升

降四遊者自立春地與星辰西遊春分西遊之極地雖西遊升降正中從此漸漸而東至春末復正自立夏之後北遊夏至北遊之極地則升降極下至夏季復正立秋之後東遊秋分東遊之極地則升降正中至秋季復正立冬之後南遊冬至南遊之極地則升降極上冬季復正

仲春仲秋日出於卯入於酉仲夏日出於寅入於戌仲冬日出於辰入於申

烏星為春候火星為夏期專陽相助同精感符虛星

為秋侯。昴星為冬期。陰氣相佐。德乃弗邪。子助母收。母合子符。

注虛星北方宿也。昴星西方宿也。陰指母也。

主春者鳥星昏中可以種稷。主夏者心星昏中可以種黍。主秋者虛星昏中可以種麥。主冬者昴星昏中則入山可以斬伐。具器械王者南面而坐視四星之中者而知民之緩急急則不賦力役故敬授民時。堯知命表稷契賜姓子姪皋陶典刑不表姓言天任德遠刑禹姓姒氏祖昌意以薏苡生殷姓子氏祖以

元鳥子生也。周姓姬氏祖以履大人跡生也。帝者承天立五府以尊夫重象五府五帝之廟。蒼曰靈府。赤曰文祖。黃曰神斗。白曰顯紀。黑曰元矩。唐虞謂之五府。夏謂世室。殷為重屋。周謂明堂。皆祀五帝之所也。

注唐虞之天府。夏之世室。殷之重屋。皆同矣。象五精之神。天有五帝。集居太微。降精以生聖人。故帝者承天立五府。是為天府。赤帝赤熒怒之府。名文祖。大精。光明。文章之祖。故謂之文。周曰明堂。黃帝